

**Magsinati sa Grasya sa Dios diha sa Pamatigayon sa Dios**

Basahong Kasulatan: Efe. 1:10; 3:9; 1 Tim. 1:4; Gal. 6:18; 1 Cor. 15:10; 2 Ped. 3:18a

- I. Ang walay kataposang pamatigayon sa Dios pagpakabaton mag grupo sa mga tawo, aron ikapaambit sa Tulo-usang Dios ang Iyang Kaugalingon kanila ug mahimong ilang kinabuhi ug tanan aron mausa sila Kaniya, mapuno ug maokupahan Niya, ug mahimong usa ka organicong persona Kaniya dinhi sa yuta aron mahimong Lawas ni Cristo, ang iglesia, nga hiniusang magpadayag Niya—Efe. 1:3-23:**
  - A. Ang walay kataposang pamatigayon sa Dios mao ang sentrong linya sa tibuok Kasulatan—v. 10; 3:9.
  - B. Hignipit gyod untang madumalahan ning sentrong linya diha sa paghayag niini ang paghubad sa Kasulatan—Luc. 24:27, 32, 44.
  - C. Ang usa ka butang nga tutokan gyod, hatagag gibug-aton, ug ipangalagad mao ang pamatigayon sa Dios sa Bag-ong Tugon—1 Tim. 1:4.
  - D. Kinabuhi nga alang sa pamatigayon sa Dios ang Cristohanong kinabuhi—2 Cor. 5:14-15.
- II. “Mag-uban ang grasya sa atong Ginoong Jesucristo sa inyong espiritu”—Gal. 6:18:**
  - A. Ang timaan sa pamatigayon sa Dios mao nga si Cristo karon mao ang grasya sa Dios nga naa sa atong espiritu—v. 18:
    1. Ang gipanganak pag-usab nga espiritu nato nga gipuy-an sa Espiritu mao ang sentro sa gisaad nga panalangin sa Dios—Juan 3:6; Rom. 8:10; 15:29; Efe. 1:3.
    2. Gikinahanglan nato ang grasya sa Ginoo, nga mao ang madagayaong sangkap sa malangkobon-sa-tanan nga Espiritu, nga maanaa sa atong espiritu—Fil. 1:19; 2 Tim. 4:22.
  - B. Ang grasya ni Jesucristo mao ang madagayaong sangkap sa Tulo-usang Dios (nga gipakalawas diha sa Anak ug naamgohan ingon nga Espiritung taghatag-og-kinabuhi) nga mapahimuslan nato sa paggamit nato sa atong tawhanong espiritu—Juan 1:14; 1 Cor. 15:45b; 2 Tim. 4:22; Filem. 25:
    1. Ang grasya mao ang Dios Amahan nga gipakalawas diha sa Anak nga naamgohan ingon nga Espiritu; sa kinataposan, ang Espiritu mao ang grasya—Heb. 10:29.
    2. Nagpuyo karon sa atong espiritu kining grasyaha, ang kinataposang kahingpitan sa Tulo-usang Dios—Fil. 4:23.
    3. Ang atong espiritu mao ang bugtong dapit nga masinati nato ang grasya—2 Tim. 4:22.
    4. Aron makadawat ug makapahimulos sa grasya, mobalik gyod ta sa atong espiritu ug magpabilin didto, moila sa Ginoo nga Ulo ug Hari, motahod sa Iyang posisyon, mopasidungog sa Iyang pagbulot-an, ug makakita nga naa sa atong espiritu ang trono sa grasya—Gal. 6:18; Heb. 4:16.
  - C. Isip mga anak sa Dios, mga tawo gyod unta ta nga nagdawatan ug nagpahimulos sa grasya sa atong Ginoo diha sa atong espiritu—2 Cor. 13:14; Filem. 25:
    1. Tibuok-kinabuhi, mapadayonon nga butang, ang pagdawat nato ni Cristo nga Espiritu sa grasya—Juan 1:16; Bug. 22:21.

2. Adlaw-adlaw naa gyod untay kahibulongan nga diosnong pagpalatay nga nagpadayon samtang madagayaong gisangkap sa Dios ang Espiritu sa grasya, ug sige natong gidawat ang Espiritu sa grasya—Gal. 3:2-5; Juan 3:34.
3. Ang paagi sa pagbukas sa atong kaugalingon sa langitnong pagpalatay aron makadawat sa sangkap sa malangkobon-sa-tanan, taghatag-og-kinabuhi nga Espiritu sa grasya paggamit man sa atong espiritu sa pag-ampo ug pag-tawag sa ngalan sa Ginoo—1 Tes. 5:16-18; Rom. 10:12-13.
4. Sa modawat ug magpahimulos ta sa nahikay ug nahingpit nga Tulo-usang Dios nga grasya nato, inanay ta nga organicong mausa Kaniya; mahimo Siyang bahing nag-umol nato, ug mahimo tang pagpadayag Niya—2 Cor. 1:12; 12:9.

**III. “Tungod sa grasya sa Dios nahimo kong mao ako karon; ug wala makawang ang Iyang grasya nganhi nako,...hinuon dili ako kondili ang grasya sa Dios nga uban nako”—1 Cor. 15:10:**

- A. Ang grasya, nga katulo hisgoti sa 1 Corinto 15:10, mao ang nabanhawng Cristo nga nahimong Espiritung taghatag-og-kinabuhi (v. 45) aron magdala sa nahikay nga Tulo-usang Dios diha sa pagkabanhaw nganhi nato nga mahimong atong kinabuhi ug sangkap sa kinabuhi aron magkinabuhi ta diha sa pagkabanhaw:
  1. Ang grasya mao ang Tulo-usang Dios nga nahimong kinabuhi ug tanan nato—Juan 1:17; Gal. 2:21.
  2. Pinaagi man ning grasyaha nga si Saulo nga taga-Tarso, ang labing masalanon sa tanan (1 Tim. 1:15-16), nahimong kinalabwang apostol, nga labi kaayong nangabudlay kaysa tanang apostol.
  3. Ang pagpangalagad ug pagkinabuhi ni Pablo pinaagi ning grasyaha maoy dili ikalimod nga panghimatuod sa pagkabanhaw ni Cristo—2 Cor. 1:12; 12:9.
- B. Pareho ra ang *dili ako kondili ang grasya sa Dios* sa 1 Corinto 15:10 sa *dili na ako...kondili si Cristo* sa Galacia 2:20; nagpakita kini nga si Cristo mismo mao ang grasya sa Dios—ang Dios mismo nga nagbuhat pinaagi sa apostol:
  1. Ang grasya nga nagdasig ni apostol Pablo ug naglihok diha niya dili butang kondili buhing persona, ang nabanhawng Cristo, nga pagkalawas sa Dios Amahan nga nahimong Espiritung malangkobon-sa-tanan nga naghatag-og-kinabuhi, nga nipuyo sa apostol ingon nga iyang tanan.
  2. Nitakdo kini sa pamahayag ni Pablo sa Filipos 4:13: “Makahimo ko sa tanang butang diha Niya nga naggahom nako”:
    - a. Sa Filipos 4:13 nagpasabot ang *Niya* sa nabanhawng Cristo nga nahimong Espiritung taghatag-og-kinabuhi.
    - b. Nianang Cristoha, gigamhan si Pablo aron makahimo sa tanang butang; kini ang grasya sa Dios.

**IV. “Magtubo...mo diha sa grasya...sa atong Ginoo ug Manluluwas nga si Jesu-cristo”—2 Ped. 3:18a:**

- A. Ang grasya mao ang Tulo-usang Dios nga kinabuhi ug sangkap sa kinabuhi alang nato ug diha nato; ang pagtubo diha sa grasya pagtubo man ning sulodnong tinubdan sa sangkap sa kinabuhi—1 Ped. 5:10.
- B. Ang grasya mao ang Dios nga nahikay pinaagi sa pagpakatawo, kamatayon, pagkabanhaw, ug pagkayab; naa sa sulod nato kining tanang elemento sa grasya aron mausa nato—Fil. 4:23:
  1. Ang grasya mao ang Dios mismo nga kinabuhi nato aron mausa nato, moluwas nato, magbalay sa sulod nato, ug mahulma sa sulod nato; ang pagtubo diha sa grasya pagtubo man diha sa pagkadugang sa Dios—Col. 2:19.

2. Ang grasya pagbisita man sa Dios kanato aron mopuyo nato ug makig-usa nato; kinahanglan motubo ta nianang grasyaha aron mahimaya Siya karon ug ngadto sa adlaw sa eternidad—Bug. 22:21.